



4. Oktoberi 2022

UKA2022/113

Sulisitsisup sulinermik inuussutissarsiuteqartumik atorfeqarnermi atugassarititaasut pillugit ilisimatitsisussaaneranut Inatsisartut inatsisaat

Siumumiit naalackersuisut siunnersuutaat imaattoq tamakkiisumik nuannaarutigalugulu tapersersoripput oqaatigissavara.

Siullermik oqaatigerusupparput kikkut tamarmik naleqquttumik suliffeqarnissaat Siumup anguniartuarpaa.

Nunatsinni sulisussatigut pisariaqartinneqartunut naapertuuttumik sulisussaqaqtuarnissaq qulakkeersimaniarlugu susassaqtut taamaasa suleqatigiisillugit siunertat anguniarneqartassapput, inuussutissarsiutit pioreersut nutaallu aallartinneqartartut tamaasa eqqarsaatigalugit.

Kiisami sulisartukkormiut illersorneqarnerat pisussaaffiliinikkut qularnaarneqassaaq, sulisitsisup aamma sulinermik inuussutissarsiuteqartup atiinik aamma najugaanik, suliassat sumi suliarineqartarnerannut nalunaarsuummik, atorfeqartitaanerup qanga aallartinneranik, piffissamik suliffiusussamik nalinginnaasumik, akissarsiatigut atugassarititaasunik, sulinermik inuussutissarsiuteqartup pisinnaatitaaffiinik akiliunneqarluni sulingiffeqartarnermi, soraarniarnermi soraarsitaanermilu siumut ilisimatitsisoqareertussaaneranik piffissalikkamik, najugarisap avataanut suliertarnermi atugassarititaasunik il.il.

Imaassanngilarmi sulileraanni taamaallaat skattekort kisiat piumasarineqassasoq suliffimmullu nutaamut miloriutiinnarneqassasoq annerusumillu suliffeqarfik sulinermilu avatangiisit pisussaaffiillu allat pinnagit sulilersitsineq pissasoq, tamanna siumumiit naleqquttuunngitsoq isumaqarpugut.

Siunnersuut imaattup kingunerissavaa pisussaaffeqarnermik sulinermik inuussutissarsiuteqartut tamangajammik sulisitsisuinit, allaganngorlugit sulinermik inuussutissarsiuteqartunut paasissutissiisarnissamik atorfeqartarnermut atatillugu atugassarititaasunut pingaaruteqartunik pisinnaatitaaffeqarnek, tamannalu pissusissamisoortoq isumaqarluta.

Siumumit taamak oqaaseqarluta ataatsimiititaliamut susassaqtumut ingerlateqqinnissaa kissaatigivarpud.

Lars Poulsen, Siumut